

Reglamaint per
l'economisaziun
da rusment
digl
Cumegn da
Tinizong-Rona

CUNTIGN

	<u>artetgels</u>	<u>pagina</u>
I DISPOSIZIUNS GENERALAS	1 – 4	2
II DISMESSA DIGL RUSMENT	5 – 13	4
III FINANZIAZIUN	14 – 16	7
IV DISPOSIZIUNS	17 – 21	8
Agiunta: Reglamaint da taxas		9

I. DISPOSIZIUNS GENERALAS

Art. 1

Scopo Chel reglamaint ò igl scopo da rimnar, trer a nez e dismetter conform alla lescha ed agl ambiaint tot igl rusment produtgia aint igl cumegn da Tinizong-Rona.

Art. 2

Validitad Las disposiziuns da chest reglamaint valan per tottas persungas, bietgs e menaschis sen igl territori communal da Tinizong-Rona.

Art. 3

Organisaziun Igl cumegn da Tinizong-Rona è colliia cun l'Associaziun per la dismessa da rusment digl Grischun central (AVM).

La dismessa digl rusment aint igl cumegn succeda an observaziun dallas leschas cantunalas e digls reglamaints e dallas disposiziuns executorias dall'associaziun.

An cumplettaziun e sa basond allas prescripziuns vertentas superiouras pò igl cumegn da Tinizong-Rona relascher disposiziuns supplementaras per trer a nez conform agl ambiaint igl rusment caschuno sen agen taragn communal.

Art. 4

Reglas generalas Tot igls abitants/abitantas e giasts da vacanzas èn supplitgias d'evitar tant scu pussebel la produciun da rusment.

Igl rusment produtgia ò da neir separo e dismess tenor las diversas pussebladads.

Sen igl antier territori communal ègl scumando da deponer, da suterrar u dad arder rusment.

II. DISMESSA DIGL RUSMENT

Art. 5

Deponia Igl cumegn mantigna ena deponia per material da stgavamaint (tera, crappa, explotaziun da creplas).
Material tgi dastga neir ars (p. ex. lagna betg trattada) pò neir deponia sen igl plaz previa tenor ordinaziun digl funcziunari communal responsabel. L'arsa digl rusment surstat agl cumegn.

Art. 6

Rusment da plaz da biagier Quantums da rusments anfignen 20 kg da plaz da biagier duessan neir dismiss cuagl transport da rusment.
Quantums pi gronds on da neir dismiss directamaintg digls impressaris u digls privats sez.

Art. 7

Reciclad Ena gronda part digl rusment da casadas e da menaschis scu metal, palpieri, cartung, vèder, grass ed oter pò neir reciclo. Igl cumegn metta a disposiziun lis da rimnadi per tals e procura, tg'igls rusments separos vignan reciclos correspondentamaintg

Art. 8

Cumpostaziun da rusment Tras ena persunga digl rom promova e sustigna igl cumegn la cumpostaziun singula u communabla da rusment organic da tgesa ed iert.
Proprietaris da schaschant d'abitadi mettan a disposiziun a lour avdants en indrez da cumpostar e

mantignan tal.

Sch'igl è avant mang nign plaz adatto per cum-postar, pò eventualmaintg igl cume gn metter egn a disposiziun.

Art. 9

*Rusment
spezial*

Rusment spezial scu battareias, medicamaints, gleichs fluorescentas, chemicalias, calours ed oter on da neir returnos agls lis da vendita.

Schi chegl è betg pussebel, pon rusments spezials neir deponias cunter paiamaint ainten en deposit communal.

Igl è scumando, da consinar rusment spezial cun igl transport da rusment.

Art. 10

Rusment

Exclus igl rusment reciclabel, spezial u da cum-post, pò igl rusment neir dismiss cun igl transport da rusment.

Igl transport da rusment succeda per regla ena / dus gedas l'emda.

Art. 11

*Deponer
igl rusment*

Igl rusment ò da neir deponia per regla igl de da rimnada, an cass excepziunals la seira avant, an satgs, containers u faschs, provedias cun ena marca da taxas.

En'excepziun furman igls lis da rimnada stabels, lubias dalla suprastanza.

Art. 12

Pressas

Schi vignan utilisadas maschinas da cumprimer scu pressas idraulicas da container, pachets u

satgs, dastga igl fasch pasar angal tant, tgi ena persunga suletta è bunga d'igl carger sainza ageid.

Per faschs cumprimias pò neir fixo ena tariffa da dismessa pi ota.

Art. 13

*Fitgira
surdimen-
siunada*

Fitgira surdimensiunada ò da neir parageda uscheia, tgi dus omens èn bungs da carger la fitgira aint igl auto da transport sainza impedimaint. La limita è: 20 kg an ena maseira da ca. 120x50x50cm.

Igl cumegn pò realisar periodicamaintg ena rimnada da fitgira surdimensiunada.

III. FINANZIAZIUN

Art. 14

*Prancepi
da caschu-
nader*

Tot igls costs dall'economisaziun da rusment porta igl caschunader, numnadamaintg:

- igls costs mess a chint dall'associaziun per la dismessa da rusment (AVM) per rimnar, transportar, arder, recicladi da cartung, vèder, metal, palpieri e per la dismessa da rusment spezial.
- las atgnas expensas communalas per l'economisaziun digl rusment.

Art. 15

Taxas

Igls costs dall'economisaziun da rusment vignan cuverts antras ena taxa fundamentala, la taxa d'emballadi u ena taxa tenor peisa e taxa da deponia.

La taxa fundamentala pò neir augmentada tar gronds caschunaders da rusment spezial e da rusment reciclabeled, per igls costs tgi n'èn betg cuverts tras la taxa d'emballadi.

La suprastanza communal fixescha las taxas ainten en reglamaint separo. Per curveir igls costs pò ella adattar las taxas annualmaintg u periodica-maintg.

Art. 16

Marcas

La suprastanza communal procura la compra e la vendita dallas marcas e plombas. Ella fixescha igls lis da vendita.

IV. DISPOSIZIUNS

Art. 17

Controllas La suprastanza communalada survigilescha l'observaziun dallas disposiziuns da chest reglamaint. Ella è autorisada da far controllas.

Art. 18

Execuziun A costs digl caschunader ed independentamaintg d'en procedimaint penal pò neir decreto cun ena sancziun penala la dismessa dallas relaziuns betg conformas allas prescripziuns.

Art. 19

Casteis Contravenziuns vignan puneidas cun 50.- anfignen 5'000.- fr.

Art. 20

Dissoluziun Chel reglamaint ramplazza tottas ordinaziuns correspondentas d'anfignen ossa

Art. 21

Antrada an vigour Igl reglamaint per l'economisaziun da rusment preschaint aintra an vigour cun l'acceptaziun dalla radunanza communalada.

Chel reglamaint è nia accepto dalla radunanza communalada Tinizong-Rona igls 15-12-99

Igl mastral:

Igl actuar:

Mario Jegher

Mario Dosch